

# **REFERAT SAA- Sanarfinermut Avatangiisinullu Ataatsimiititaq d. 26-10-2020**

**Mødedato** Mandag d. 26. oktober 2020 kl. 19:00

**Mødested** Kommunalbestyrelsip ataatsimiittarfia

# Indholdsfortegnelse

Saqqa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Kuummiini qimmit Kuup eqqaani pitoqqasut allamut nuunneqarnissaat.....	8
2021-mi politikikkikut ataatsimiiffissat(januaarimiit-marsimut).....	11
Suliat Aningaasaqarnermut Inuussutissarsiornermullu Ataatsimiititamut.....	14
Kommunimut pilersaarummut tapiliussassatut siunnersuut 3A3-8 Ammassat, Nuuk.....	15
Kommunimut pilersaarummut tapiliussamut siunnersuut 1C14-4 Nuutoqaq, Nuuk.....	18
Nuuk Icefiord Lodgep sanaartornissaanut qinnuteqaat, Kapisillit.....	23
Ikuallattoorsinnaanermut misissuineq.....	27
Piginnaatitsinermik agguataarinissamut pilersaarut.....	33
Taasariaqartut allat.....	36
Lukket.....	37
Lukket.....	38
Imaqarniliap akuerineqarnera.....	39

## **Punkt 0: Saqqaa**

### **Ilaasortat**

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Táunâjik Uitsatikitseq (S)

### **Beslutning**

Najuuttut: Justus Hansen (D) aamma Mala Høy Kuku (S).

Oqarasuaatikkut: Laura Táunâjik Uitsatikitseq (S), Harald Bianco (IA) aamma Charlotte Pike (IA).

## **Punkt 1: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

## **Punkt 2: Nalunaarutit**

2a. siulittaasup nalunaarutai

2b. ingerlatsiviup nalunaarutai

### **Beslutning**

2a. Soqanngilaq.

2b. Soqanngilaq.

## **Punkt 3: Ilisimatitsissutit**

Soqanngilaq

## **Punkt 4: Aalajangiiffigisassat**

## **Punkt 04A: Kuummiini qimmit Kuup eqqaani pitoqqasut allamut nuunneqarnissaat**

### **Beslutning**

Inassuteqaat akuerineqarpoq.

Laura siunnersuutimi nunaqarfinni aqutsisunut nassiutissagaa kaammattorneqarpoq, aamma paasissutissat allat assitaqarpatalu assit pisortamut nassiutissagai.

### **Bilag**

Kommunalbestyrelsemi ilaasortat suliniuteqarneranni immersugassaq

## **Kuummiini qimmit Kuup eqqaani pitoqqasut allamut nuunneqarnissaat**

Kommunalbestyrelsimut ilaasortap Laura Táunâjik Uitsatikitseq (S) Sanarfinermut Avatangiisinullu Ataatsimiititamut siunnersuutaa

Aalajangiiffigisassaq

J.nr.: 01.01.07

Suliffeqarfimmum Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Kommunalbestyrelsimut ilaasortaq Laura Táunâjik Uitsatikitseq (S) oktobarip arfineq-pingajuanni 2020 Sanarfinermut Avatangiisinullu Ataatsimiititamut aalajangiiffigisassaatut siunnersuummik nassiussivoq. Laura Taunâjik Uitsatikitseq kissaateqarpoq, Kuummiini kuup eqqaani qimmit pitussimasut nuutinneqarsinnaaneratt pillugu Sanarfinermut Avatangiisinullu Ataatsimiititaq eqqartuissasoo aammalu allamik qimmiliveqalernissaa isummerfigineqassasoo.

### **Inassuteqaat**

Suliffeqarfimmum Kiffartuussiviup Sanarfinermut Avatangiisinullu Ataatsimiititamut inassuteqaatigaa:  
- siunnersuut itigartitsissutigineqassasoo.

### **Suliassamik saqqummiussineq**

Kommunalbestyrelsimut ilaasortaq Laura Táunâjik Uitsatikitseq (S) oktobarip arfineq-pingajuanni 2020 Sanarfinermut Avatangiisinullu Ataatsimiititamut aalajangiiffigisassaatut siunnersuummik nassiussivoq. Laura Taunâjik Uitsatikitseq kissaateqarpoq, Kuummiini kuup eqqaani qimmit pitussimasut nuutinneqarsinnaaneratt pillugu Sanarfinermut Avatangiisinullu Ataatsimiititaq eqqartuissasoo aammalu allamik qimmiliveqalernissaa isummerfigineqassasoo.

Siunnersuuteqarnermut tunngavilersuut:

*“Aasap ingerlanerani arlaleriarlugu allakkatigut Kommunemi susassaqartunut apuutereersimavara Kuummiuni qimmit kuup eqqaaniittut meeqqanut aarlerinaateqarsinnaasut pillugit. Taamaattumik avaqqunneqarsinnaajunnaarsimavoq siusinaartumik iliuuseqarnissaa eqqarsaatigalugu ataatsimiititaliaq aqqutigalugu siunnersuuteqarnissaa. Tassunga ilanngullugu kissaatigalugu Kuummiuni kuuk pineqartoq nunaqarfiup ateqaatigimmagu innimigineqarnissaa eriaqisassatullu inissinneqarnissaa anguniaqqullugu*

Siunertaq:

*Siunertaavoq kuup eqqaani qimmit pitoqqasut allanut nuunneqarnissaat. Kuuk inniminartutut eriaqisariaqarlunnartutullu inissinneqarnissaa anguniarneqartariaqarmat. Kuuk ukiorpassuarni nunaqqatigiisuni innimigineqartarsimagaluarpoq ukiunili arlalinni tamanna innuttaasut ataasiakkaanit soqutigineqarunnaariartorsimalluni.*

*Siunertap tunngavigaa kuup eqqannguani meeqqat umiatsiaararlutik pinnguartarput. Taakkulu eqqannguani qimmit pitussimallutik. Tamanna navianarluinnarsinnaavoq, meeqqammi saassunneqaralarunik imminut illersorsinnaanngimmata.*

*Siunertamut tapiliullugu kuuk pineqartoq innimigineqarlunnarnissaa eriaqisassatullu atuutsinneqarnissaa minnerpaamik anguneqartariaqarpoq. Kuuk imertarfittut ilaatigut atorneqartarmat, qimmilli kuup eqqaani pitoqqatillugit taamaasiornissaa killeqarlunnarmat. Kingullertut taasariaqarpoq nunaminertami allami qimmiliveqalernissaa nunaqarfimmi aalajangiiffigineqartariaqarpoq. Piginnittut namminneq akisussaaffik tigusariaqarmassuk.*

*Taamatullu ukiut siuliinitut qimmit taamak amerlatigiunnaarnikuupput, taamaattumik qimmilivissamik ujartuinissaq suliarujussuunissaa pisariaqanngilaq Aningaasatigut kinguneqartariaqanngilaq, aningaasartuutaanissaanullu tunngavissaq aamma pisariaqarani.”*

*Inatsisitigut tunngavissaq allakkallu tunngaviusumik uppernarsaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 13. Kommunalbestyrelsimut ilaasortap kialuunniit kommunip susasaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.

### **Sanarfinermut Avatangiisinullu Ingerlatsivimmiit inassuteqaammut tunngavilersuutigineqarpoq**

Sumiiffiit allanngutsaalisassat pinngortitatullu eriagisassat, kuuit ilanngullugit, Namminersorlutik Oqartussanit toqqarneqartarput.

Kommune nunaminertamik atugassiisarpaq atorneqarnissaa eqqarsaatigalugu, tassunga ilanngullugit qimmilivinnut. Sumiiffiup atorneqarnissaanut tunngatillugu kommunimut pilersaarummi atuuttumi nunaminertamik qimmilivissamik immikkoortitsisoqarnikuuvoq.

Kommuneqarfik Sermersuumi Qimmeqarneq qitsuuteqarnerlu pillugit ileqqoreqqusami aammalu inatsisini tamanut atuuttuni qimmeqarneq pillugu erseqqissunik malittarisassaqarpoq, najugaqarfinnut imeqarfinnullu ungasissutsit eqqarsaatigalugit.

Ingerlatsiviup suliassaraa qimmiliviit ataavartumik nakkutigineqarnissaat, qimmiutillit qimmiminnik illersorneqarsinnaasumik paarsilluarnissaat isumassuinnissaat inatsisinillu atuuttunik malinninnissaat qulakkeerniarlugu.

Ingerlatsivik isumaqarpoq inatsit qulaani pineqartoq qimmiutilinnit malinneqartoq, tamannalu tunngavigalugu nunaminertamit pineqartumit qimmit peerneqarsinnaanngitsut.

Nunaqarfimmi aqutsisut suliaq tigussagaat innersuussutigaarput, taakkumi aqqutigalugit innuttaasut pissutsinik allannguerusunnarsut nalilerneqassagami, taamaassappallu innuttaasut isummernerat Nunaqarfimmi aqutsisunit Ingerlatsivimmut/Kommunalbestyrelsimut ingerlateqqinneqarsinnaalluni.

*Ingerlariaqqinnissaq*

Sanarfinermut Avatangiisinullu Ataatsimiititap aalajangiinera Sanarfinermut Avatangiisinullu Ingerlatsivimmit ingerlateqqinneqarumaarpoq.

### **Ilanngussat**

1. Kommunalbestyrelsemi ilaasortat suliniuteqarneranni immersugassaq

## **Punkt 04B: 2021-mi politikkikkut ataatsimiiffissat(januaarimiit-marsimut)**

### **Beslutning**

Inassuteqaat akuerineqarpoq.

## 2021-mi politikkikkut ataatsimiiffissat(januaarimiit-marsimut)

Aalajangiiffigisassaq

J.nr.: 01.01.01

Suliffeqarfimmut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Aqutsinermut inatsimmi § 8-mi allaqqavoq" Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

Matumani 2021-mi politikkikkut ataatsimiiffissat 2021-mi januaarimiit marsimut atuuppoq, 2021-mi apriliip arfernani kommuninut qinersisoqartussaammat. Aningaasaqarnermut Inuussutissarsiornermullu Ataatsimiititami inissitsiterluni ataatsimiinnermi ukiup sinnerani politikkikkut ataatsimiiffissatut siunnersuutit saqqummiunneqassapput.

### **Inassuteqaat**

Suliffeqarfimmi Kiffartuussiviup Sanarfinermut Avatangiisinullu Ataatsimiititamat inassuteqaatigaa:

- Sanarfinermut Avatangiisinullu Ataatsimiititamat politikkikkut ataatsimiiffissat akuersissutigineqassasut

### **Suliassamik saqqummiussineq**

Aqutsinermut inatsimmi § 8-mi allaqqavoq" Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

### **Aaqqiissutissatut siunnersuut – suliatigut naliliineq**

Matumani 2021-mi politikkikkut ataatsimiiffissat 2021-mi januaarimiit marsimut atuuppoq, 2021-mi apriliip arfernani kommuninut qinersisoqartussaammat. Aningaasaqarnermut Inuussutissarsiornermullu Ataatsimiititami inissitsiterluni ataatsimiinnermi ukiup sinnerani politikkikkut ataatsimiiffissatut siunnersuutit saqqummiunneqassapput.

Sanarfinermut Avatangiisinullu Ataatsimiititaq marloriarluni ataatsimiittassaaq, Kommunalbestyrelsip ataatsimiinnissai, sulinngiffeqarnerit nalliuttullu eqqarsaatigalugit. Sanarfinermut Avatangiisinullu Ataatsimiititap ataasinngornikkut nal. 14.00 ataatsimiittarnissaa siunnersuutigineqarpoq.

### **Aningaasatigut sulisoqarnikkullu naliliinerit**

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### **Inatsisitigut tunngavissaq allakkallu tunngaviusumik uppersaatitallit**

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

*Ingerlariaqqinnissaq:*

2021-mi politikikkut ataatsimiiffissat Naalackersuisunut nassiunneqassapput (ilangussaq 1 takuuk).

**Aningaasaqarnermut Allatseqarfimmit oqaaseqaatit**

Pingaaruteqanngilaq.

**Innuttaasunik peqataatsineq/attaveqaqatigiinneq**

Politikkikkut ataatsimiiffissat taamatullu ataatsimiinnerni oqaluuserisassat imaqarnialillu kommunip nittartagaanut tamanut saqqummiunneqassapput. 2021-mi politikikkut ataatsimiiffissat (ilangussaq 1) aamma kommunip allaffeqarfiata immikkoortortaani pissarsiarineqarsinnaassapput.

**Ingerlatsivinnit allaniit oqaaseqaatigineqartut**

Ingerlatsivinnit allanit oqaaseqaateqartitsisoqanngilaq.

**Ilangussat**

1. 2021-mi politikikkut ataatsimiiffissatut siunnersuutit

**Punkt 5: Suliat Aningaasaqarnermut Inuussutissarsiornermullu  
Ataatsimiititamut**

## **Punkt 05A: Kommunimut pilersaarummut tapiliussassatut siunnersuut 3A3-8 Ammassat, Nuuk**

### **Beslutning**

Inassuteqaat akuerineqarpoq.

### **Bilag**

Kommunip pilersaarutaanut tapiliussamut siunnersuut 3A3-8 Ammassat, Nuuk

## **Kommunimut pilersaarummut tapiliussassatut siunnersuut 3A3-8 Ammassat, Nuuk**

Aalajangiiffigisassaq

J.nr.: ANL-2020-00017

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Matumani kommunimut pilersaarummut tapiliussami siunnersuummi immikkoortoq Ammassat, immikkuualuttoq 3A3-mi pioreersumi immikkuualuttoq A, Paarnani inissiaqarfik pineqarpoq.

Siunnersuummi alliliinissamat, naqqup-ilui, qaliat kiisalu quit inissiamut siunertanut inissianut atasut, matumani igalaanut, matunut qalianilu igalaanut sukannersumik aalajangersagartallit, periarfissiissutigineqarpoq. Tamatuma saniatigut aneersuartarfiit aneerasaartarfiillu allilernerqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkualu ataqpineqarlutillu attatiinneqassapput.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussassatut siunnersuut 3A3-8 Ammassat, Nuuk, akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq.

### **Suliassamik saqqummiussineq**

Matumani kommunimut pilersaarummut tapiliussami siunnersuummi immikkoortoq Ammassat, immikkuualuttoq 3A3-mi pioreersumi immikkuualuttoq A, Paarnani inissiaqarfik pineqarpoq.

Immikkoortup ilaa 3A3 Nuup avannamat kitaaniippoq, Kangillinnguit ilaaniippoq, tamaanilu illoqarfimmi atuuffinnik arlalinnik neqeroorteqarpoq pinngortitamut illoqarfimmullu qanittuulluni, ineqarfissatullu pilerigineqartuulluni.

Kommunimut pilersaarummut tapiliussaq suliarineqarpoq, immikkoortumi ullutsinnut naleqquttunik aalajangersagaliornissaq siunertaralugu, taamaasilluni ineqarfissatut pilerigineqartuaannarniassammat. Tassunga atatillugu ingerlatsivik inissiaqarfiup sinneruttua pillugu, pitsaaqutaalu pillugu tamakkiisumik nalilersuivoq, aammalu inissiat qanoq ilillutik allilernerqarsinnaanersut siunissamullu qulakkeerneqarsinnaanersut, tamakkulu tamarmik sumiiffimmi illuliortaaseq immikkullu ilisarnaqutai atatinneqarneqarlutik.

Kommunimut pilersaarummut tapiliussaq imaattunik siunertaqarpoq:

- inissiat pioreersut allilerfissaqarnissaannut periarfissiinissaq, taamaasilluni immikkoortoq tamanna siunissamat qulakkeerneqarniassammat.
- immikkoortup pitsaaqutai sumiiffimmi illuliortaaseq attatiinneqassasut nukittorsarneqarlutillu - matumani oqinnerusumik illuliortaaseqarneq, annertussuseq, qaliat sivingasut, illut saqqai nallersuuttut, qalipaati atortullu.
- eqiterinissamat najoqqutassamat tunngavinnik inissitsisoqassasoq silamilu nunaminertanut tunngasunik aalajangersaasoqassasoq, matumani quinik nutaanik sanaartorneq, aneerasaartarfinnik alliliineq naatsivilersuinerlu.

Siunnersuummi alliliinissamut, naqqup-ilui, qaliat kiisalu quit inissiamut siunertanut inissianut atasut, matumani igalaanut, matunut qalianilu igalaanut sukannersumik aalajangersagartallit, periarfissiissutigineqarpoq. Tamatuma saniatigut aneersuartarfiit aneerasaartarfiillu allilerneqarnissaanut aalajangersakkat oqaasertalersorneqarput. Taakku tamarmik tamakkiisumik naliliineq tunngavigalugu suliarineqarput, matumani immikkoortumut tamakkiisumut pilersaarut isikkualu ataqineqarlutillu attatiinnarneqassapput.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsiviup siunnersuummi immikkoortup suli orniginartut ineriartortinneqarnissaa qulakkeerneqartoq kiisalu illuliortaaseq immikkuullarissaq tamakkiisorlu attatiinnarneqassaq. Ingerlatsiviup nalilerpaa siunnersuut atorlugu illoqarfiup pitsaasumik ineriartortinneqarnissaa Illuliortaatsikkut politikimi akuerisat malillugit pissasq aammalu kommunimut pilersaarut Sermersooq2028.

#### *Aningaasatigut sulisoqarnikkullu naliliinerit*

Nassuiaat namminermit aningaasatigut kinguneqartitsissanngilaq.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusaq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Pilersaarutissatut siunnersuut tamanut tusarniaassutigineqassaaq.

Tusarniaassummut akissuteqarnissamut killiliussaq qaangiuppat pilersaarutissatut siunnersuut, akerliliissutit tiguneqarsimasut ingerlatsivimmi nalilersorneqareerpat ingerlariaqqinnissamullu inassuteqaateqartoqareerpat, Sanarfinermut Avatangiisinullu Ataatsimiititami aamma Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi inaarutaasumik akuerineqartussanngorlugu ingerlateqqinneqassaaq.

Inaarutaasumik pilersaarut tamanit pissarsiarineqarsinnaassaaq, kommunip nittartagaatigut [www.sermersooq.gl](http://www.sermersooq.gl)-ikkut aamma kommunimut pilersaarutip nittartakkagaatigut [www.sermersooq2028.gl](http://www.sermersooq2028.gl)-ikkut.

#### **Aningaasaqarnermut Allatseqarfimmit oqaaseqaatit**

Oqaaseqaateqartitsisoqanngilaq.

#### **Innuttaasunik peqataatitsineq/attaveqaqatigiinneq**

Siunnersuut tamanut tusarniaassutigineqassaaq, tamannalu Nuuk Ugeavisikkut kiisalu kommunip tusarniaanermut quppersagaatigut allagarsiissutigineqassaaq.

#### **Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq.

#### **Ilanngussat**

1. Kommunip pilersaarutaanut tapiliussamut siunnersuut 3A3-8 Ammassat, Nuuk

## **Punkt 05B: Kommunitut pilersaarummut tapiliussamut siunnersuut 1C14-4 Nuutoqaaq, Nuuk**

### **Beslutning**

Inassuteqaat akuerineqarpoq oqaaseqaatilerlugu: biilit angallattut Hans Egedep Illuaniit ingerlanissaat inerteqqutigineqassaaq, inuussutissarsiuteqartullu ingerlanissaat periarfissaassaaq kiisalu B2 peerneqassaaq.

### **Bilag**

Kommunitut pilersaarutaanut tapiliussamut siunnersuut 3A3-8 Ammassat, Nuuk

## **Kommunimut pilersaarummut tapiliussamut siunnersuut 1C14-4 Nuutoqaq, Nuuk**

Aalajangiiffigisassaq

J.nr.: ANL-2020-00014

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C14-4 Nuutoqaq, Nuuk, matumuuna saqqummiunneqarpoq.

Kommunimut pilersaarusionermut tapiliussap aalajangerpaa immikkoortup ilaa 1C14 eriagisassaqqittunut atuufeqarnissaa qitiusumik siunertamut (C), sumiiffimmi innuttaasunut siunertalinnut. Taamaasilluni sinaakkusiinnaavoq kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut.

Immikkoortup ilaa 1C14 sanaartorfittut ilusaa taamatut isikkoqartillugu attatiinnarneqassaaq, illuliat akunneri titarniusami amitsumi kiisalu ammasortai angisuut ingerlavissamik ilusinitsippit. Immikkoortup ilaata illuliat illoqarfiullu oqaluttuassartaata ilisarnaataa attatiinnassavaa nukittorsarlugulu, illutoqqat qaliai illugiimmik sivinganillit silataanilu iigai qalipannillit.

Maannakkut pilersaarut malillugu immikkuualuttut sisamat atugassanngortinneqarput. Immikkuualuttoq D sumiiffik sukisaarsarfittut pinnguarfinnut, sammisassaqartitsinernut siunertanut eqqissisimaartarfittullu. Immikkuualuttoq biinikt angallannernut asserneqassaaq.

Immikkoortup ilaani 1C14-mi alliliinissamut periarfissat assigiinngitsut sanaartorfissallu tulliuuttuni sukumiisumik nassuaatigineqartut atugassanngortinneqarput.

Matumani pilersaarummi immikkoortup kujaterpiaani Hans Egedesvejip naanerani aqqusineq allanngortinneqarpoq. B-234, B-283, B-2369 aamma B-45 eqqaanni aqqusineq biilertunit aqqutigineqarsinnaassanngilaq, nunaminertamik atuisinnaasunillu, B-normut taaneqartut, taamaallaat atorneqarsinnaassaaq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussamut siunnersuut 1C14-4 Nuutoqaq, Nuuk akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C14-4 Nuutoqaq, Nuuk, matumuuna saqqummiunneqarpoq.

Kommunimut pilersaarusionermut tapiliussap aalajangerpaa immikkoortup ilaa 1C14 eriagisassaqqittunut atuufeqarnissaa qitiusumik siunertamut (C), sumiiffimmi innuttaasunut

siunertalinnut. Taamaasilluni sinaakkusiisinnaavoq kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut.

Maannakkut pilersaarut malillugu immikkuualuttut sisamat atugassanngortinneqarput:

**Immikkuualuttoq A** inissianut, suliffeqarfinnut, inuussutissarsiortunut kiisalu sinniisuuffinnut siunertalinnut atugassatut.

**Immikkuualuttoq B** qitiutillugit inissianut sinniisuuffinnut siunertalinnut atugassatut.

**Immikkuualuttoq C** pingaarnertut katersugaasivimmut, sannavinnut, inuussutissarsiortunut, neriniartarfinnut kiisalu isiginnaariartarfinnut siunertalinnut atugassanngortinneqarpoq.

**Immikkuualuttoq D** sumiiffik sukisaarsarfittut pinnguarfinnut, sammisassaqtitsinernut siunertanut eqqissisimaartarfittullu. Sumiiffimmik atuinerup sissaq sinerlugu aqqut malillugu toqqammavigissavaa. Immikkuualuttoq biinikt angallannernut asserneqassaaq.

Tamakku saniatigut sapsusiap immerneqarsinnaanera pilersaarummi periarfissiissutigineqarpoq.

#### SANAARTORNEQ

Immikkoortup ilaa 1C14 sanaartorfittut ilusaa taamatut isikkoqartillugu attatiinnarneqassaaq, illuliat akunneri titarniusami amitsumi kiisalu ammasortai angisuut ingerlavissamik ilusinititsipput.

Immikkoortup ilaata illuliat illoqarfiullu oqaluttuassartaata ilisarnaataa attatiinnassavaa nukittorsarlugulu, illutoqqat qaliai illugiimmik sivinganillit silataanilu iigai qalipannillit.

#### SANAARTORFISSAT

Immikkoortup ilaani 1C14-mi alliliinissamat periarfissat assigiinngitsut sanaartorfissallu (ilanngussaq 2 takuuk) tulluuttuni sukumiisumik nassuiaatigineqartut atugassanngortinneqarput:

**A1** – B-56-ip avannaa tungaata isaternissaanut pilerseqqinnissaanullu periarfissaq.

**A2** – B-1962-ip allilernissaanut periarfissaq.

**B1** – B-510-ip illuanik iluarsartuineq sanaqqiinerlu. Illu pilersaarummi 1½-mik suliarineqassaaq, ataatsimik pingaarnermik illutalik kiisalu ataatsimik qalialik. Sanaartorfissaq nunaminertami 100 m<sup>2</sup>-iuvoq.

**B2** – Ilaqtariinnut ataatsinut illumik nutaamik sanaartorfissaq. Illu pilersaarummi 1½-mik suliarineqassaaq, ataatsimik pingaarnermik illutalik kiisalu ataatsimik qalialik. Sanaartorfissaq nunaminertami 100 m<sup>2</sup>-iuvoq.

**C1, C2, C3, C4** – Nunatta Katersugaasiviata Allagaateqarfialalu allilerneqarnissaanut periarfissaq.

**C5** – Sanaartorfiik mikinerit kulturimut siunertallit, soorlu eqqumiitsuliortunut sannavik. Illu pilersaarummi 1½-mik suliarineqassaaq, ataatsimik pingaarnermik illutalik kiisalu ataatsimik qalialik. Sanaartorfissaq nunaminertami 100 m<sup>2</sup>-iuvoq.

**C6** – Sanaartorfiit anginerit kulturimut innuttaasunullu siunertalinnut. Sumiiffiup kujaterpiaata nalaani innaqarfimmi qularnaveeqqusiineq kulturimut innuttaasunulluunniit siunertalinnut, soorlu eqqumiitsulianut, illugiimmik isiginnaartarfitalik isiginnaartitsisarfik, unnuisarfik, neriniartarfik assigisaalluunniit.

**C7** – Illup allilerneqarnissaanut periarfissaq, matumani pilersaarutip akuersissutigineqarnerani B-normulerneqanngilaq.

**Immikkuualuttoq D – Sammisassaqtitsinermut nunap ilaa sanaartorfissatut  
nalunaarsorneqarsimanngitsoq.**

ANGALLANNERMUT PISSUTSIT/AQQUSERNIT INUINNAALLU PISUTTARFII

Immikkoortup ilaani, nutaanik aqquserniortoqartillugu biilnik aqqusaarinerup annikillilerneqarnissaa anguniarneqarpoq.

Matumani pilersaarummi immikkoortup kujaterpiaani Hans Egedesvejip naanerani aqqusineq allangortinneqarpoq. B-234, B-283, B-2369 aamma B-45 eqqaanni aqqusineq biilertunit aqqutigineqarsinnaassanngilaq, nunaminertamik atuisinnaasunillu, B-normut taaneqartut, taamaallaat atorneqarsinnaassaaq. Nunaminertamik atuinissamik piginnittut illoqannginersami utaqqiisaasumik nunaminertamik atuinissamik qinnuteqaateqarsinnaapput, silami sassaallersinnaanermut periarfissalimmik, piffissami killilikkami aqqqissuussiffiusinnaasumik, niuffatsinissamut assigisaannullu atugassamik.

Immikkoortumi angallannerit eqqarsaatigalugit assiaqusersuinerit isumannaatsumik suliarineqassapput. Siunissamut assiaqusersuineri biilnut unittarfiit ilaat allangortinneqassapput, amerlassusaali attatiinneqassapput.

*Aaqqiissutissatut siunnersuut – suliatigut naliliineq*

Ingerlatsiviup immikkoortup ilaa 1C14, qitiusumik siunertamut (C), sumiiffimmi ataatsimut siunertanut atugassanngortinneqartoq, suli eriaginartutut nalunaarsorsimassasoq nalilerpaa. Taamaalilluni kulturimut sammisalinnut suliffeqarfinnut, inuutissarsiortunut, privatimik inissianut kiisalu sukisaarsarfittut siunertalinnut najoqqutassiisnaavoq.

Immikkoortup ilaa 1C14 sanaartorfittut ilusaa taamatut isikkoqartillugu attatiinneqassaaq, illuliat akunneri titarniusami amitsumi kiisalu ammasortai angisuut ingerlavissamik ilusinititsipput.

Immikkoortup ilaata illuliat illoqarfiullu oqaluttuassartaata ilisarnaataa attatiinnassavaa nukittorsarlugulu, illutoqqat qaliai illugiimmik sivinganillit silataanilu iigai qalipannillit.

Ingerlatsivimmit immikkoortup ilaani nutaamik angallannermut aqqqissuussinerup kingunerisaanik biilnik angallanneq annikillisarneqartoq malugeqquneqarpoq.

*Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

*Inatsisitigut tunngavissaq allakkallu tunngaviusumik uppersaatitallit*

- Pilersaaruserneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. decembari 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

*Ingerlariaqqinnissaq*

Siunnersuut tamanut tusarniaassutigineqassaaq sap. ak. 6-ini.

Kommunimut pilersaarusernermut tapiliussamut 1C14-4 atortussanngortitsinermi 1C14-3 atorunnassaaq.

**Aningaasaqarnermut Allatseqarfimmit oqaaseqaatit**

Oqaaseqaateqartitsisoqanngilaq

**Innuttaasunik peqataatsineq/attaveqaqatigiinneq**

Siunnersuut tamanut tusarniaassutigineqassaaq sap. ak. 6-imi. Tusarniaaneq Nuuk Ugeavisikkut kiisalu kommunip tusarniaassutinut nittartagaatigut nalunaarutigineqarput.

**Ingerlatsivinnit allaniit oqaaseqaatigineqartut**

Oqaaseqaateqartitsisoqanngilaq

**Ilanngussat**

1. Kommuniq pilersaarutaanut tapiliussamut siunnersuut 1C14-4 Nuutoqaaq, Nuuk

## **Punkt 05C: Nuuk Icefiord Lodgep sanaartornissaanut qinnuteqaat, Kapisillit**

### **Beslutning**

Inassuteqaat akuerineqarpoq.

### **Bilag**

Tusarniaassummut akissuteqaatinik takkuttunik suliarinninneq

Tusarniaanermi akissutit tiguneqartut

Suliniuummut qinnuteqaat

Inatsisartut inatsisaat nr. 34, 9. december 2015-imeersoq

Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

## **Nuuk Icefiord Lodge suliniummut qinnuteqaat, Kapisillit**

Aalajangiiffigisassaq

J.nr.: ANL-2020-00006

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Imminut akilersinnaasumik, ukioq naallugu, Kapisillit tunuanni kangerlunni sermilimmi aallaarsimaartarfimmik akisuumik pilersaarummik sanaartornissaq maanna sapaatip-akunnerini aqqaneq-marlunni tamanut tusarniaassutigineqareerpoq. Piffissami tusarniaaffiusumi tusarniaanermi akissuteqaatit arfinillit tiguneqarput, taakkunannga pingasut innuttaasunit sinnerilu pingasut Naalakkersuisoqarfinit. Ataatsip erseqqissaatigaa itsarnitsanut tunngasoq aammalu allap VVM-imut tunngasoq erseqqissaatigai. Arlaannaalluunniit allannguutissanik siunnersuuteqanngillat imaluunniit malunnartunik sillimaniarnissamut tunngasunik saqqummiussaqaangilat.

Pilersaarut Kapisillinni inissisimassaaq, pineqarlunilu 50-inik illuaqqiornissaq taakkununga ilanngullugu neriniartarfik illullu kiffartuussiviit. Pilersaarutip ilaatut ATV-nut aqqutiliortoqarnissaa siunnersuutigineqarpoq, taannalu kommunip tamaanga pilersaarutaanut naapertuuppoq - pingaartumik nunaatilinnut tunngatillugu.

Piujartitsineq tunngavigalugu takornariaqarnermik annertuumik sammisaqarneq, pilersitsineq ingerlatsinerlu tassaapput Kapisillit piujartitsinermik tunngaveqarluni ingerlanissaanik Pilersaarusiornermi periusissiami P18-imi komunalbestyrelsip takorluugaanut naapertuulluinnartut.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sanaartornissamut siunnersuutit pilersaarutillu ingerlanera akuersissutigineqassasut
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Imminut akilersinnaasumik, ukioq naallugu, Kapisillit tunuanni kangerlunni sermilimmi aallaarsimaartarfimmik akisuumik pilersaarummik sanaartornissaq maanna sapaatip-akunnerini aqqaneq-marlunni tamanut tusarniaassutigineqareerpoq. Piffissami tusarniaaffiusumi tusarniaanermi akissuteqaatit arfinillit tiguneqarput, taakkunannga pingasut innuttaasunit sinnerilu pingasut Naalakkersuisoqarfinit. Ataatsip erseqqissaatigaa itsarnitsanut tunngasoq aammalu allap VVM-imut tunngasoq erseqqissaatigai. Arlaannaalluunniit allannguutissanik siunnersuuteqanngillat imaluunniit malunnartunik sillimaniarnissamut tunngasunik saqqummiussaqaangilat.

Sanarfinermut Avatangiisinut Ingerlatsivik World of Greenland A/S, Air Greenlandip suliffeqarfissuanit aamma Topas Explorer Group-imit pilersaarusiarnik qinnuteqaammik nassinneqarpoq. Qinnuteqartut kissaatigivaat piujartitsinermik tunngaveqartumik, Kapisillit eqqaanni ukioq kaajallallugu, nunaannarmi illuaraqarfiliornissaq, katillugit illuaqqanik 50-inik taakkununga ilanngullugu neriniartarfik illuaqqallu sullissiviit sananeqarnissaat.

Pilersaarummut paasissutissani allassimavoq, inissiiffissatut siunnersuutigineqartoq tassaasoq Issusu, nunaqarfiup Kapisillit avannaata tungaaniittoq ipiutaq. Pilersaarutitut siunnersuummi illuaqqat assigiinngitsut marluk allaaserineqarput:

- Illuaqqat najoruminarsakkat 40-t tamarmik 36 kvm miss. + aneerasaartarfii 9 kvm miss.

- Illuaqqat uffartarfillit 10-t tamarmik 41 kvm miss. + aneerasaartarfii uffartarfillit 14,5 kvm miss.

Taakkununga ilaassapput illuaqqat sullissiviit, illu angineq ataaseq, ilaatigut tassaniissallutik neriniartarfik/bar, saaffiginnittarfik, perusersartarfii, allaffik il.il.

Illut tamarmik piujuartitsinermik tunngaveqartumik atortunik akuerisanik sananeqassapput, qisuk pingaarnersaalluni, illut silatai qisunnik suliarisaanngitsunik, seqernullu qinngorneranik tigooraassutinik alanngialasuunngitsunik qallerneqassapput, illuaqqanik ataasiakkaanik innaallagissamik pilersuisussanik. Illuaqqat ataasiakkaat ikaartarfimmik atanilerneqassapput, taakkulu isumannaallisaaneq pinerullugu LED-nik qulleqassapput.

Illuaraqarfiliaassinermi angallatit Targat sukkasuut Nuummeersut atorneqartassapput, ATV't innaallagissamoortut snescooterillu ikaartarfimmiit illuaraqarfimmut, taavalu immaqa immikkut ittumik pisoqartillugu helikopteri atorneqartassalluni. Nuummi angallatinik attartortitsisartut tikeraanik angallassisussatut suleqatiginiarneqassapput.

Sumiiffiit ilaanut inniminniinermik qinnuteqartoqarpoq, Pilersaarusiornermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq. Kalaallit Nunaanni inuussutissarsiornerup Naalakkersuisunit Kommuniinillu siuarsarneqarusunnera

Pilersaarusiornermut Inatsimmik allannginnermi siunertarineqarpoq, taamaaliornikkut aningaasaliisussanut aningaasaliinissaq ajornannginnerulissammat orniginarnerullunilu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikkikkut takorluukkanut naapertuutinnigippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq.

*Aaqqiissutissatut siunnersuut – suliatiqut naliliineq*

Pilersaarusiarineqartoq nuna maniinnersalik ataqqillugu inessitaavoq, tikeraanut angallattunullu allanut isikkivigissumiissallutik. Matumanilu eqqarsaatigineqarpoq illut imminnut naammattumik ungasissuseqarnissaat, nunallu misigisaqarluarfiunissaanut naleqquttumik angissuseqassallutik.

Illuaqqat ilusilersugaanerata qanga kalaallit issumik ujaqqanillu illuliasartagaannut assingupput, kisialli kangerluup tungaanut angisuunik igalaaqarlutik. Illuaqqat akornanni ilummot isigisoqartannginniassammat, nikingasuutinneqarput, taamaasillutik tikeraat ataasiakkaat pinngortitarsuarmut isikkivigissumik aliannaarsaarsinnaaniassammata.

Pujuartitsineq tunngavigalugu takornariaqarnermik annertuumik sammisaqarneq, pilersitsineq ingerlatsinerlu tassaapput Kapisillit piujuartitsinermik tunngaveqarluni ingerlanissaanik Pilersaarusiornermi periusissiami P18-imi kommunalbestyrelsip takorluugaanut naapertuulluinnartut.

*Aningaasatigut sulisoqarnikkullu naliliinerit*

Matumani soqutigisaqartup atortulersuutinut sanaartornermullu aningaasartuutit tamakkerlugit akilissavai.

*Inatsisitigut tunngavissaq allakkallu tunngaviusumik uppersaatitallit*

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

*Ingerlariaqqinnissaq*

Pilersaarusiornermut Inatsisip allanngortinnerata nutaap ingerlanera ima nassuiarneqarsinnaavoq: Maannakkut kommunalbestyrelsip isummerfiggissavaa, pilersaarummut nunaminertamik atugassiisoqassanersoq, taamaassappallu ukiut marluk tikillugit atuutissasoq. Ukiut marluk ingerlaneranni pilersaarummik piginnittoq kommunimut pilersaarummut tapiliussamik suliaqassaaq, aammalu sumiiffimmi qanganitsanik eriaqgissasaqarnersoq nalunaarsortillugu (Nunatta

Katersugaasiviata tusarniaanermut akissuteqaataa innersuussutigalugu). Aamma pilersaarummik piginnittup Ilisimatusarnermut Avatangiisinullu Naalackersuisoqarfik suleqatigissavaa VVM-imut tunngasumik nassuiaatiliortoqarnissaa pillugu.

Kommunimut pilersaarummut tapiliussaliarinqartussa q inaarutaasumik akuersissutigineqareerpat, nunaminertamik atuinissamut akuersissuteqartoqassaaq kingornagullu sanaartornissamut akuersissuteqartoqarluni.

### **Aningaasaqarnermut Allatseqarfimmit oqaaseqaatit**

Oqaaseqaateqanngilaq.

### **Innuttaasunik peqataatitsineq/attaveqaqatigiinneq**

Pilersaarut pillugu Kapisilinni innuttaasunik ataatsimiititsisoqarnikuuvoq, tamanullu tusarniaasoqarnissaa Nuuk Ugeaviisi aqputigalugu nalunaarutigineqarnikuulluni.

### **Ingerlatsivinnit allaniit oqaaseqaatigineqartut**

Oqaaseqaateqanngilaq.

### **Ilanngussat**

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit tiguneqartut
3. Suliniummut qinnuteqaat
4. Inatsisartut inatsisaat nr. 34, 9. december 2015-imeersoq
5. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

## **Punkt 05D: Ikuallattoorsinnaanermut misissuineq**

### **Beslutning**

Inassuteqaat akuerineqarpoq.

### **Bilag**

Ikuallattoorsinnaanermut misissuinermi misissugassanik immikkoortiterineq – suliat ingerlaartut

Ikuallattoornissamut misissuinissamut pilersaarut – suliat ingerlaartut

Ukiumoortumik ikuallattoornissamut misissuineq – assersuut

## **Ikuallattoorsinnaanermut misissuineq**

Ikuallattoorsinnaanermut misissuinermit atatillugu tunngavinnik periusissamillu nutaamik akuersissuteqarneq

Aalajangiiffigisassaq

J.nr.: EMN-2020-00556 Akt. ID 2

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### **Suliassamik eqikkaaneq**

Matumani suliame Kommunalbestyrelsen upalungaarsimasut ikuallattoorsinnaanermut misissuinissamut suliqaarnermit periusissaq pilersaarullu suliarissavaa. Periusissami nutartikkami upalungaarsimasut ikuallattoorsinnaanermut misissuinissamut inatsisit atuuttut naammassineqarnissaat qulakkeerneqassaaq, kiisalu ikuallattoorsinnaanermut misissuinermit pisariaqartinneqartumik ilitersuisoqassasoq siunnersuisoqarlunilu, taamalu ikuallattoorsinnaanermut misissuinermit siunertaq qulakkeerneqarneqassasoq.

Tunngaviusumik ikuallattoorsinnaanermut misissuinermit ikuallannissamut aarlerinarsinnaasut annikillissarnissaat, ikuallannerup siaruarnissaa imaluunniit inunnik, illunik avatangiisinillu ajoqusiinnginnissaa kiisalu annaassiniarnermit qatserinermilu periarfissat isumannaatsut qulakkeernissaat siunertaavoq.

Upalungaarsimanermit suliniutinut sanilliullugu ikuallattoorsinnaanermut misissuinermit sulineq annertunerussaaq, matumani inatsisit atuuttut malillugit suliqaarnermit qulakkeerneqarnissaat siunertaavoq.

Tamatuma saniatigut suleriaatsigut periusissallu nutarternissaat kiisalu ulluinnarni suliassat aqqissuunneqarnissaat najoqqutassiunnissaallu, tassunga ilanngullugu pinaveersaartitsilluni suliniutit, qulakkiissavagut.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ikuallattoorsinnaanermut misissuinermit periusissaq akuersissutigineqassasoq
- ikuallattoorsinnaanermut misissugassatut toqqakkat, kommunip illuutaasa saniatigut aamma namminersortut suliffeqarfiutaanut tunngasut, akuersissutigineqassasut
- suliqaq Aningaasaqarnermit Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

### **Suliassamik saqqummiussineq**

Akunnittarfinni il.il., inini katersuuttarfinni, inini ilinniartitsiviusuni, ulluunerani paaqqinnittarfinni pisiniarfinnilu ikuallattoornaveersaartitsinermit iliuusissat pillugit Namminersorlutik Oqartussat nalunaarutaat nr. 16, 3. oktober 2012-meersumi ikuallattoorsinnaanermut misissuinermit malittarisassat aalajangersarsimapput. Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermit iliuusissat pillugit Inatsisartut inatsisaat nr. 14, 26. maj 2010-meersumi § 22, imm. 2, § 29, imm. 2 aamma § 39 naapertorlugit nalunaarut aalajangersarneqarpoq.

Ikuallattoorsinnaanermut misissuineq tassaavoq illumi, inimi imaluunniit suliffeqarfimmi ikuallattoornissamut ulorianaatilimmi inatsisit malillugit ikuallattoornissamut isumannaallisaanermik misissuineq. Ikuallattoorsinnaanermut misissuinermit piginnittoq taassumaluunniit sinniisua

ikuallattoornissamut pinaveersaartitsinissamut malittarisassat siunertaat pillugit ilitsersorneqarlunilu paasitineqassaaq.

Illut, init imaluunniit suliffeqarfiit tamarmik ikuallattoorsinnaanermut misissuinissamut ilaatinneqanngillat. Akunnittarfinni il.il., inini katersuuttarfinni, inini ilinniartitsiviusuni, ulluunerani paaqqinnittarfinni pisiniarfinnilu ikuallattoornaveersaartitsinermi iliuusissat pillugit Namminersorlutik Oqartussat nalunaarutaat nr. 16, 3. oktober 2012-meersoq malillugu tulliuttut illut ikuallattoorsinnaanermut misissuinissamut piumasaqaatini ilaatinneqarput:

- Illut allanngutsaaliukkat
- Akunnittarfiit il.il. sinittarfeqarfillit, qulit sinnerlugit siniffissallit
- Paaqqutarisarialinnut sullissiviit sinittarfeqarfillit, qulit sinnerlugit siniffissallit.
- Ininut katersuuttarfinnut inunnut 50-init amerlanerusunut atorneqartut.
- Ilinniartitsiveqarfiit, inunnut 150-it sinnerlugit atugassiat.
- Ulluunerani paaqqinnittarfeqarfiit, inunnut 50-it sinnerlugit atugassiat imaluunniit qulit sinnerlugit siniffissallit.
- Pisiniarfiit, inunnut 150-it sinnerlugit atugassiat.
- Nunaqarfinni aammalu sanaartukkani ataatsimoortuni annikinnerusuni allani, kiisalu asimi biilinik qatserutinik seqqitsaaserneqarsimasunik atortuliilluni annaassiniarnissamut upalungaarsimasunik pilersitsiviusimanningsuni suliffeqarfinnut nr. 1-6-imi taaneqartut.
- Suliffeqarfiit ikuallattoornissamut ulorianaatillit

Suliffeqarfiit ikuallattoornissamut ulorianaatillit, toqqorsiviit illut il.il., matumani kommunalbestyrelsip aalajangersimasunik iliuuseqarfigineqartussatut aalajangersimasaat.

Ilanngussaq 1-imi ikuallattoorsinnaanermut misissuineri misissugassat immikkoortiterneqarnerat aamma ikuallattoorsinnaanermut misissuineri piffissaliussat takuneqarsinnaapput.

#### *Aaqqiissutissat siunnersuut – suliatigut naliliineq*

##### Ikuallattoorsinnaanermut misissuineri misissugassanik toqqaaneq

Ikuallattoorsinnaanermut misissuineri ataatillugu periusissamik pilersaarummillu suliaqarnermut ataatillugu ikuallattoorsinnaanermut misissuineri misissugassanik toqqaanissaq sulissutigaarput. Taamatut toqqaasarneq kingornalu nutarterineq illuutit pioreersut allanngortinneqarnerini, nutaanik sanaartornerni imaluunniit isaterinerit ilutigalugit ataavartumik suliarineqartassapput.

Aalajangersimasumik periusissap ilaatut ukiumut ataasiarluni ikuallattoorsinnaanermut misissuineri misissugassat allattorsimaffiat nutarterneqartassaaq. Ukiumoortumik ikuallattoorsinnaanermut misissuinissap pilersaarusiornerrata ilaatut tamanna januaarip qaammataani pisassaaq, saniatigullu kommunalbestyrelsimut saqqummiussassami ikuallattoorsinnaanermut misissuinerup killiffianut ilaatinneqassaaq. Kommunalbestyrelsimut killiffik pillugu ilisimatitsissut kingorna immikkoortumi allami sukumiisumik nassuiaatigineqassaaq.

Maanna kommunip illut tamaasa toqqartoreerpagut. Tamatuma saniatigut nalunaarummi ikuallattoorsinnaanermut misissuineri ataatillugu piumasaqaatini ilaatinneqartut namminersortunit illut pigineqartut nalilersorneqarneri maanna suliaaagut.

##### Pilersaarusiorneg

Ukiut tamaasa ukiumoortumik ikuallattoorsinnaanermut misissuinissaq pilersaarusiornegartassaaq. Qanga kingullermik ikuallattoorsinnaanermut misissuisoqarsimanera malillugu taamaaliortoqartassaaq.

Pilersaarusiornissamut atorsinnaasutut assersuut ilanngussaq 2-mi takuneqarsinnaavoq.

Ikuallattoorsinnaanermut misissuinermit atatillugu iluarsissuteqarnissamut peqqussuteqartoqarnissaa nalunaarutaasimasuni malitseqartitsilluni ikuallattoorsinnaanermut misissuisoqartassaaq, tassani iluarsissutissat suliarineqarsimaneri paasineqarsinnaassapput.

#### Oqaloqatigiinneq toqqammavigalugu ikuallattoorsinnaanermut misissuineq

Ikuallattoorsinnaanermut misissuinermit atatillugu periusissap ilaatut oqaloqatigiinneq toqqammavigalugu ikuallattoorsinnaanermut misissuineq annertunerusumik pingaartinneqassaaq, tassani illumik piginnittoq sinniisualluunniit iluarsisassat peqqussutaasimasut pillugit ilitsersorneqarlutillu siunnersorneqartassapput. Taakku tamarmik ikuallattoorsinnaanermut misissuinermit atatillugu nalunaarusiami, illumik piginnittumut tunniunneqartussami, allanneqartassapput.

#### Ilinniagaq

Upalungaarsimasutut sulisut suliamut piareersarluarsimanissaat qulakkeerniarlugu upalungaarsimanissamut tullersortit Ikuallattoornissamut teknikkimut tunngaviumik Ilinniarfimmik ilinniassapput.

Ilinniakkami ikuallattoorsinnaanermut misissuinissamut pilersaarusiornissamut nalunaaruteqarnissamullu, ikuallattoorsinnaanermut misissuinermit ingerlatsinissamut, siunnersuinissamut ilitsersuinissamullu, pinaveersaartitsilluni suliniutip toqqammavianik paasinninnissamut kajumissaarinissamut, ikuallattoorsinnaanermut misissuinermit atatillugu nalunaarusiornissamut kingornalu malitseqartitsinissamut tunngatillugu piginnaasanik ineriartortitsinissaq siunertaavoq.

Maannakkut pingaartumik Nuummi ikuallattoorsinnaanermut misissuinermit misissugassat amerliartortut takusinnaavarput. Suliassat inatsisitigut pituttugaasup kivinnissaanut sulisut amerlanerusut Ikuallattoornissamut teknikkimut tunngaviumik Ilinniarnissaat pisariaqartinneqassasoq nalilerneqarpoq.

#### Ikuallattoorsinnaanermut misissuinerup killiffia

Ukiumut ataasiarluni ikuallattoorsinnaanermut misissuinerup killiffia Kommunalbestyrelsimut ilisimatitsissutigineqartassaaq. Upalungaarsimanermut Aqutsisoqarfimmit siunnersuut ilanngussaq 3-mitut iluseqarsinnaavoq. Matumani ilaatigut qasseriarluni ikuallattoorsinnaanermut misissuisoqarsimanersoq qasseriarlunilu peqqussuteqartoqarsimanersoq saqqummiunneqassaaq. Killiffimmik ilisimatitsissut nammineerluni nakkutilliinertut isigineqassaaq Namminersorlutik Oqartussat ikuallattoorsinnaanermut misissuinermit nakkutilliineq ajormata.

#### *Aningaasatigut sulisoqarnikkullu naliliinerit*

Najoqqutassat nutaat tunngavigalugit ukiuni kingullerni ingerlanneqarsimasunut sanilliullugu ikuallattoorsinnaanermut misissuinerit amerlanerujussuit ingerlanneqarnissaat nalilerneqarpoq.

Nuummi 2019-imi ikuallattoorsinnaanermut misissuinerit 37-t ingerlanneqarput. Kisiannili ikuallattoorsinnaanermut misissuinermit misissugassanik toqqaanermut suliaq suli naammassineqanngitsumi takuneqarsinnaalereerpoq Nuummiinnaq 75-inik ikuallattoorsinnaanermut misissuinermit misissugassaartoq.

Ukiuni kingullerni kommunip nammineq illuutai annertuumik pingaartinneqarsimapput, najoqqutassalli nutaat malillugit illut namminersortunit pigineqartut aamma kommunimit pigineqartut immikkoortinneqartassanngillat inatsimmi immikkoortitsisoqanngimmat.

Oqaloqatigiinneq toqqammavigalugu ikuallattoorsinnaanermut misissuineq sammineqarnerulernera iluatigalugu ikuallattoorsinnaanermut misissuinerit ataasiakkaat aningaasanik sulisunillu amerlanermit piumasaqaateqassapput. Tamatuma saniatigut ikuallattoorsinnaanermut misissuinermit atatillugu malitseqartitsilluni sulisoqassaaq, matumani peqqussutit malinneqarnissaat qulakkeerneqassalluni.

Pingaartumik aallartisarnermi ikuallattoorsinnaanermut misissuinermit atatillugu annertuumik suliassaqaassasoq missiliunneqarpoq, tassa ikuallattoorsinnaanermut misissuinermi misissugassat amerlassapput, naatsorsuutigineqassaarlutit ilitersuineq malitseqartitsinerlu piffissamik annertuumik atuiffiussasoq, soorlu aamma kinguaattoorutaasut ikilisarneqartussaasut.

#### *Inatsisitigut tunngavissaq allakkallu tunngaviusumik uppersaatitallit*

Akunnittarfinni il.il., inini katersuuttarfinni, inini ilinniartitsiviusuni, ulluunerani paaqqinnittarfinni pisiniarfinnilu ikuallattoornaveersaartitsinermi iliuusissat pillugit Namminersorlutik Oqartussat nalunaarutaat nr. 16, 3. oktober 2012-meersoq

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersumi § 22, imm. 2, § 29, imm. 2 aamma § 39 naapertorlugit nalunaarut aalajangersarneqarpoq.

#### *Ingerlariaqqinnissaq*

- Kommunimi najugaqarfinni tamani ikuallattoorsinnaanermut misissuinermi misissugassat toqqartornissaannut atatillugu suliaq ingerlateqqinneqassaaq.
- Ikuallattoorsinnaanermut misissuinermit atatillugu nalunaarusiornissamut nutaamik skabeloniliortoqassaaq, taannalu tiguisussamut ilitersuutaanerusussaavoq. Tassa imaappoq, illumik piginnittumut paasiuminartuussaaq kiisalu iluarsisassat suliarineqartussat ersarinnerussapput. Tamatuma saniatigut illumik piginnittoq illumi ikuallattoornermut tunngassutillit pillugit akisussaaffiinik ilisimatinneqarnissaa pingaaruteqarpoq.
- Upalungaarsimanissamut tullersortigut pingasut suliaminnut tunngatillugu pinaveersaartitsinermit, tassunga ilanngullugu ikuallattoorsinnaanermut misissuinermit ingerlatsinissamut piginnaasaat qaffassarneqassapput.

#### **Aningaasaqarnermut Allatseqarfimmit oqaaseqaatit**

Ikuallattoorsinnaanermut misissuinermit periusissat nutaat upalungaarsimanermut ullumikkut missingersuutaasimasunit amerlanerit aningaasaliiffigineqarnissaat pisariaqarpoq. Tamanna pillugu allaffissornermi 2021-mut missingersuutini siunnersuutini kommunimi upalungaarsimanermut ingerlatsinermit 1,5 mio. koruuninik missingersuutit ilaneqarnissaat siunnersuutigineqarpoq. Siunnersuut (periarfissat allattorsimaffii 405.1) 2021-mut missingersuutit siullermeerneqarnissaanut atatillugu AIA-mit akuersissutigineqarpoq. Tamatuma saniatigut AIA-p sanaartornissamut pilersaarutip 160101-005-ip, upalungaarsimanermut immikkoortumut pilersaarut pillugu, ingerlateqqinneqarnissaa akuersissutigaa, tassani katillugit 4 mio. koruunit 2021-miit ukiunut tulliuuttunut upalungaarsimanermut immikkoortinneqassallutik.

Siunnersuut pineqartoq 2021-mut missingersuutit siullermeerneqarneranni aappassaaneerneqarneranilu Kommunalbestyrelsimit akuersissutigineqarpat upalungaarsimanissamut susassaqaarfimmut missingersuutit 2021-miit ukiunilu tulliuuttuni amerlineqassapput.

Upalungaarsimanermut susassaqaarfimmut missingersuutit 2021-mit amerlinerisigut ikuallattoorsinnaanermut misissuinermit periusissat nutaat naammassineqarnissaat periarfissaalissaaq.

#### **Innuttaasunik peqataatitsineq/attaveqatigiinneq**

Soqann

## **Ingerlatsivinnit allaniit oqaaseqaatigineqartut**

Soqanngilaq.

### **Ilanngussat**

1. Ikuallattoorsinnaanermut misissuinermi misissugassanik immikkoortiterineq – suliat ingerlaartut
2. Ikuallattoornissamut misissuinissamut pilersaarut – suliat ingerlaartut
3. Ukiumoortumik ikuallattoornissamut misissuineq – assersuut

## **Punkt 05E: Piginnaatitsinermik agguataarinissamut pilersaarut**

### **Beslutning**

Inassuteqaat akuerineqarpoq.

### **Bilag**

Kommuneqarfik Sermersuumi Piginnaatitsinermik agguataarinissamut pilersaarutip nutartikkatut siunnersuut.

## **Piginnaatitsinermik agguataarinissamut pilersaarut**

Aalajangiiffigisassaq

J.nr.: 00.00.00-A00-1052-18

Suliffeqarfimmi Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Pisortaqatigiit Allatseqarfiata ingerlatsiviit suleqatigalugit pingaarnertut piginnaatitsinermik agguataarinissamut pilersaarut nutarterpaa. Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Sanarfinernut Avatangiisinullu Ataatsimiititaq qinnuigineqarpoq piginnaatitsinermik agguataarinissamut pilersaarummi "Sanarfinernut Avatangiisinullu Ataatsimiititamut" tunngasortaa kisiat isummerfigeqqullugu.

### **Inassuteqaat**

Sanarfinernut Avatangiisinullu Ingerlatsivimmit uku Sanarfinernut Avatangiisinullu Ataatsimiititamut inassuteqaatigineqarput:

- piginnaatitsinermik agguataarinissamut pilersaarut "Sanarfinernut Avatangiisinullu Ataatsimiititamut" tunngasoq akuersissutigineqassasoq

### **Suliassamik saqqummiussineq**

Pisortaqatigiit Allatseqarfiata ingerlatsiviit suleqatigalugit pingaarnertut piginnaatitsinermik agguataarinissamut pilersaarut nutarterpaa. Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinnaanermut piginnaatitsissutit Kommunalbestyrelsip, ataatsimiititat allaffeqarfimmilu sulisut akornanni qanoq agguataarneqarsimanersut.

Piginnaatitsinermik agguataarinissamut pilersaarummi ingerlatsivinni tamani qinikkanut sullissinerup assigiissarneqarnissaata malinnaaffigilluarneqarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaanerik nalornisoqarsinnaanera pinaveersaartinneqassalluni.

### ***Aaqqiissutissatut siunnersuut – suliatigut naliliineq***

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsineri lleqqoreqqusat naapertorlugit sularineqarpoq. Pilersaarut 2020-mi upernaakkut nutarterneqarpoq, aammattaaq pisortat ingerlatsiviillu suleqatigalugit tamanna pivoq.

Piginnaatitsinermik agguataarinermut pilersaarut aalajangiiffigisassat aalajangersimasut tamaasa imarai, kommunalbestyrelsimiinngikkuni imaluunniit Aningaasaqarnermut Inuussutissarsiornermullu Ataatsimiititamut, ataatsimiititanut ataavartunut imaluunniit allaffeqarfimmut suliassanngortinneqarsimasut. Piginnaatitsinermik agguataarinissamut pilersaarummi allaffeqarfiup iluani aalajangiinissamut piginnaatitsissutit agguataarneqarnissaat malittarisassaliorneqanngilaq. Taamaattumik nammineq ingerlatsiviit iluminni naleqquttunik pilersaarusiortarnissaat suli pisariaqassaaq.

Kisianni suliat suulluunniit piginnaatitsinermik agguataarineq eqqarsaatiginngikkaluarlugu kommunalbestyrelsimut imaluunniit Aningaasaqarnermut Inuussutissarsiornermullu Ataatsimiititامت aalajangiiffigisassanngorlugit saqqummiunneqartassapput, suliaq pingaaruteqarpat imaluunniit kommunimut tunngaviatigut pingaaruteqarpat imaluunniit immikkut ittunik peqquteqarpat.

Piginnaatitsinermik agguataarinermut pilersaarut suliaasaqarfinnut makkununga agguataagaavoq:

- Ataatsimut isigalugu
- Aningaasaqarneq
- Suliffeqarfimmut Sulisunullu
- Sanarfinermut Avatangiisinullu Ataatsimiititaq
- Meeqqanut Ilaqutariinnullu Ataatsimiititaq
- Meeqqanut Atuarfeqarnermullu Ataatsimiititaq
- Suliffeqarnermut Isumaginninnermullu Ataatsimiititaq

Piginnaatitsinermik agguataarinissamut pilersaarut ataatsimiititani ataavartuni, Aningaasaqarnermut Inuussutissarsiornermullu Ataatsimiititami Kommunalbestyrelsimilu politikikkut oqaluserineqassaaq. Piginnaatitsinermik agguataarinissamut pilersaarut inaarutaasumik akuerineqareerpat aalajangiinissamut piginnaatitsissutit agguataarneri atuutissapput siusinnerusukkut qanorluunniit ittunik aalajangiisoqarsimagaluarpat.

*Aningaasatigut sulisoqarnikkullu naliliinerit*  
Soqanngilaq.

*Inatsisitigut tunngavissaq allakkallu tunngaviusumik uppernarsaatitalit*

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- o Kommuneqarfik Sermersuumi Aqutsinermi Ileqqoreqqusat

*Ingerlariaqqinnissaq*

Piginnaatitsinermik agguataarinissamut pilersaarut akuersissutigineqareerpat, ingerlatsiviit aalajangiinissamut piginnaatitsinermik pilersaarutit siunissami agguataarneqarnissaat pillugu ilisimatinneqassapput.

**Aningaasaqarnermut Allatseqarfimmit oqaaseqaatit**  
Pingaaruteqanngilaq.

**Innuttaasunik peqataatitsineq/attaveqaqatigiinneq**  
Soqanngilaq.

**Ingerlatsivinnit allaniit oqaaseqaatigineqartut**  
Oqaaseqaateqanngillat.

**Ilanngussat**

1. Kommuneqarfik Sermersuumi Piginnaatitsinermik agguataarinissamut pilersaarutit nutartikkatut siunnersuut.

## **Punkt 6: Taasariaqartut allat**

### **Beslutning**

Justus (D): Matuma kingorna ataatsimiititami ilaasortat atortussaap pappialanngorlugit tunniunneqartarnissaat qulakkeerneqassaaq.

Mala (S): Coronap nunamut pineranut tunngatillugu. Innuttaasut kommunip illuutaasa silataanni utaqqisarput killilersuinerit unioqqutikkumanagit isersinnaanginnamik. Isumaqqarpoq oqquiffiusinnaasunik inissiisoqartariaqartoq.

## **Punkt 7: Lukket**

## **Punkt 07A: Lukket**

## **Punkt 8: Imaqarniliap akuerineqarnera**